

# EPOKA

# ERE

E përditshme e pavarur  
Viti XXIV, nr. 7809  
E martë, 11 qershor 2024  
Çmimi 0.50 €

10 qershoret janë  
data interesante  
për fatet tona | FACE 3

Muhamet MAVRAJ



Na ndiqni edhe në:

[www.epokaere.com](http://www.epokaere.com)

facebook.com  
Gazeta "Epoka e re"

AWR ABRUCH GMBH  
[www.awr-abbruch.de](http://www.awr-abbruch.de)

ISH-KRYEMINISTRI BRITANIK, TONY BLAIR, PO QËNDRON NË PRISHTINË  
NË 25-VJETORIN E ÇLIRIMIT TË KOSOVËS

## TONY BLAIR: VAZHDOJENI RRUGËN QË KOSOVA TË BËHET PJESË E FAMILJES EVROPIANE

FACE 4-5



Ish-kryeministri britanik Tony Blair, para deputetëve të Kuvendit, tha se ndihet jashtëzakonisht i lumtur dhe i nderuar që për nder të 25-vjetorit të çlirimit të Kosovës, t'i drejtohet popullit dhe

përfaqësuesve të tij nga foltorja e Kuvendit. Duke iu referuar vendosmërisë së popullit të Kosovës për liri dhe pavarësi, Blair u shpreh se intervenimi në Kosovë nuk ishte vetëm për popullin e saj,

por për të gjithë ata që besojnë se pa liri dhe demokraci nuk ka paqe dhe stabilitet. Ish-kryeministri britanik ka thënë se duhet vazhduar rruga që Kosova të bëhet pjesë e familjes evropiane

### AKTUALE



HOVENIERI PËR DEKLARATËN E  
SERBISË DHE REPUBLIKËS SËRPSKA:  
S'ËSHTË QËNDRIMI YNË F. 3

KURTI: HISTORIA DHE TRASHËGIMIA E  
LUFTËS NË KOSOVË KANË NEVOJË PËR  
T'U STUDIUAR DHE HULUMTUAR F. 6

KDI-ja: REFORMA NË DREJTËSI, ME  
KRITIKA E KONTESTIME, PAK REZULTATE  
NGA 40 INICIATIVAT LIGJORE F. 5

### EKONOMI



MBAHET PUNËTORIA RAJONALE E  
FMN-SË, SHKËMBEHEN NJOHURI DHE  
PËRVOJA NË AVANCIMIN DREJT  
SDDS-së F. 8

EUROJA DOBËSOHET PAS REZULTATIT  
TË ZGJEDHJEVE EVROPIANE F. 8

### SPORT



12 FUTBOLLISTË LARGOHEN  
NGA PRISHTINA F. 10

CLARK: AMBICIET  
RUSE PENGOJNË  
STABILITETIN NË  
MES TË KOSOVËS  
DHE SERBISË F. 7



ANALIZË E  
ZGJEDHJEVE PËR  
PARLAMENTIN  
EVROPIAN: QENDRA  
MBAN PUSHTETIN F. 5



**RENOVA**  
PUTZ  
Maqedoni  
Xhepcisht - Tetovë  
Gurëz-Ferizaj  
Tel: +389 44 487 300; +389 44 487 009  
+389 44 487 755  
+389 44 487 200  
Mob: +377 44 501 289  
E-mail: [renova@mt.net.mk](mailto:renova@mt.net.mk)

**PRINCESHA**  
GROUP SH.P.K.  
NDËRTIM  
PROJEKTIM  
SHITJE  
INFO: 049-111-101,  
044-511-177  
[www.princesha-ks.com](http://www.princesha-ks.com)

**Bunjamini**  
FABRIKA E LLAQEVE  
MITROVICË  
044/256-051  
044/367-061  
028/532-617  
STYROKOL · BUNJAKOL · EUROFASADË

**Kolegji BIZNESI**  
[www.kolegjibiznesi.com](http://www.kolegjibiznesi.com)  
info@kolegjibiznesi.com  
030 500 878 | 045 500 878  
044 500 878 | 049 500 878

**SIGMA**  
VIENNA INSURANCE GROUP  
SIGMA INTERBALKANIAN VIENNA INSURANCE GROUP SH.A  
DEGA KOSOVË  
Rruga "Pashko Vasa", p.n Prishtinë, Kosovë,  
Tel: +381 (0)38 246 301 Fax: +381 (0)38 246 302,  
E-mail: [info@sigma-ks.net](mailto:info@sigma-ks.net) | [www.sigma-ks.net](http://www.sigma-ks.net)

**INFINITY**  
Digital Agency  
Endrit Shaqiri  
+38344685122  
Internet Website,  
Marketing...

# Analizë e zgjedhjeve për Parlamentin Evropian: Qendra mban pushtetin

PRISHTINË, 10 QERSHOR - Pavarësisht nga të gjitha raportimet për rritjen e së djathtës populiste, mësimi kryesor nga zgjedhjet për Parlamentin Evropian është se tri grupet më të mëdha politike mbeten të pandryshuara.

Pasi qytetarët e Bashkimit Evropian shkuan për të votuar në 27 vendet anëtare mes 6 dhe 9 qershorit, grupi i Partisë Popullore Evropiane (EPP) i qendrës së djathtë, doli i pari - siç ka bërë në çdo zgjedhje parlamentare evropiane që nga viti 1999 - me një parashikim prej 184 ligjvënësve për dhomën me 720 ulëse.

Bazuar në rezultatet paraprake, Aleanca Progresive e Socialistëve dhe Demokratëve (S&D) doli e dyta me 139 anëtarë të parashikuar të Parlamentit Evropian (PE). Partia Renew [qendër liberale] doli e treta dhe parashihet të ketë 80 deputetë.

Së bashku, këto tri parti udhëheqëse tani kanë shumicën prej 403 deputetësh nga 417 sa i kishin më herët në dhomën e ulët të Parlamentit me 705 ulëse.

Në garë janë 15 ulëse më shumë në këto zgjedhje që mbahen çdo pesë vjet, duke shpërndarë disa, por jo të gjitha vendet e lira që kur Mbretëria e Bashkuar doli nga Bashkimi Evropian.


EPP-ja ishte në fakt i vetmi grup politik i madh që fitoi popullaritet. Të gjithë të tjerët humbën mbështetjen në krahasim me zgjedhjet e mëparshme të vitit 2019.

## E djathta populiste fiton, por a janë ata fitues?

E djathta populiste sigurisht që ka fituar. Grupi i Konservatorëve dhe Reformistëve Evropianë (ECR) - që përfshin partinë e Giorgia Meloni, Vëllezërit e Italisë; partisë polake Ligji dhe Drejtësia (PiS), Demokratëve Suedezë dhe partisë spanjolle Vox - fitoi 73 ulëse.

Në disa shtete anëtare individuale, populistët dolën veçanërisht mirë. Partia Fronti Kombëtar i Le Penit triumfoi në Francë, duke përfunduar me mbi 15 pikë përqindjeje para koalicionit të partive centriste/liberale të presidentit francez Emmanuel Macron. Partia e Lirisë në Austri, gjithashtu, kryesoi sondazhet në këtë shtet.

Grupi politik edhe më në të djathtë, Identiteti dhe Demokracia (ID) e Marine Le Pen dhe Partia Austriake e Lirisë (FPÖ), do të ishte rritur, po ashtu, nëse nuk do të ishte për faktin që ata kishin përjashtuar Alternativën për Gjermaninë (AFD) disa javë më parë pasi një anëtar drejtues i partisë gjermane të ekstremit të djathtë kishte



minimizuar rolin e 'SS-it' gjatë periudhës naziste.

Megjithatë, këtu qëndron çështja: Të kombinuar, Konservatorët dhe Reformistët Evropianë (ECR) dhe Identiteti dhe Demokracia (ID) do të kenë rreth 130 deputetë, që është rreth asaj që kishin më 2019. Ekziston gjithmonë mundësia që të dyja grupet të mund të bashkohen, duke formuar një grup më të fortë të djathtë populist që potencialisht do të ishte i dyti më i madhi në dhomë dhe t'u japë atyre mundësinë të marrin disa pozita si kryetarë komisionesh të rëndësishme dhe pozicione raportuese.

Siç shihet me largimin e AFD-së nga grupi i ID-së, bashkëpunimi nuk është gjithmonë i lehtë. Partitë që përbëjnë të djathtën populiste sigurisht pajtohen se Brukseli ka shumë pushtet, por këtu mbarojnë ngjashmëritë.

Për shembull, ECR-ja tenton të jetë shumë e ashpër ndaj Rusisë, e udhëhequr veçanërisht nga partia polake Ligji dhe Drejtësia (PiS), por edhe çuditërisht Giorgia Meloni, e cila ka qenë duke u kthyer drejt qendrës, duke çuar në spekulime se ajo dëshiron të bashkohet me EPP-në. Nga ana tjetër, grupi i ID-së është haptazi pro-rus dhe nuk njihet të jetë e prirë për kompromis në Parlamentin Evropian.

ECR-ja shpesh do të votojë njëjtë me grupet kryesore, veçanërisht për çështjet e politikës së jashtme.

## E panjohura e madhe

Befasi mund të jenë rreth 100 anëtarët e pavarur në Parlamentin e ri Evropian, të cilët nuk i përkasin një grupi politik - të paktën ende. Në fakt, sa i përket suksesit të zgjedhjeve, eurodeputetët e pavarur janë

rritjen më të madhe, duke fituar 36 vende për të marrë 98 mandate. Shumë nga këta anëtarë të pavarur do ta mirëprisnin bashkimin me një grup pasi rriti ndjeshëm ndikimin e tyre.

Atëherë, pyetja është se cilat grupe, nëse ndonjëra prej tyre - janë të gatshme të marrin deputetët e pavarur ose ndonjë grup i ri i këtyre mund të formohet?!

Për të formuar një grup zyrtar parlamentar në Parlamentin Evropian nevojiten minimumi prej 23 deputetësh nga të paktën shtatë vende të BE-së.

Anëtarët kanë kohë deri më 16 korrik për të negociuar përbërjen e grupeve politike, kur Parlamenti i ri Evropian mblidhet për seancën e tij inauguruese legjislative në Strasburg.

## Përtej Brukselit

Emmanuel Macron nuk ka kaluar një natë të mirë. Dëshpërimi i tij nga duart e Le Penit tashmë e ka shtyrë atë të thërrasë zgjedhje të parakohshme parlamentare me raundin e parë që pritet të zhvillohet në fund të qershorit. Rezultati ishte një siklet për presidentin francez, me të djathtën ekstreme që fitoi në çdo rajon të vendit.

Megjithatë, ka disa faktorë lehtësues. Së pari, kjo nuk është aspak një surprizë. Sondazhet e kanë parashikuar prej muajsh një rezultat të tillë.

Nuk është e pazakontë që zgjedhjet për Parlamentin Evropian, të cilat kanë pjesëmarrje më të ulët se zgjedhjet kombëtare, përdoren për t'i ndëshkuar ata që janë në pushtet. Macron është në pushtet që nga viti 2017, kështu që dobësimi është i kuptueshëm.

Nën presion është edhe kancelari gjerman Olaf Scholz.

Partia kryesore e opozitës, Unioni Kristian Demokrat i Gjermanisë/Bashkimi Kristian Social në Bavari, mori 31 për qind të votave, dy herë më shumë se Partia Social Demokratike e Gjermanisë (SPD) e Scholzit. Ndërsa votat po numëroheshin, partia e Scholzit ishte në garë të fortë me AFD-në për vendin e dytë.

## Çfarë ndikimi do të ketë Parlamenti i ri?

Ka të ngjarë që animi djathtas do të ketë ndikim në disa fusha të politikës në vazhdim. Për shembull, Parlamenti Evropian mund të bëhet më pak ambicioz për çështjet mjedisore dhe më i rreptë në çështjet e migracionit.

Vlen të kihet parasysh se Parlamenti Evropian është i ndryshëm nga parlamentet kombëtare në atë që eurodeputetët nuk propozojnë vetë ligje. Në BE është dega ekzekutive, Komisioni Evropian, që ka të drejtën e iniciativës dhe fillon hartimin fillestar të një ligji të ri potencial.

Këshilli Evropian, i cili përbëhet nga krerët e shteteve ose qeverive të BE-së, është gjithashtu i përfshirë në ndryshimin e ligjeve të propozuara.

Për sa i përket ligjvënësve, Parlamenti Evropian është më i dobëti nga këto tri institucione, duke marrë shumë rrallë atë që dëshiron. Pazarit për ligjet ndërmjet Parlamentit, Komisionit dhe Këshillit në të ashtuquajturat 'trilogji' mund të zgjasë me muaj apo edhe vite përpara se diçka të miratohet realisht dhe të bëhet ligj. Sa i përket politikës së jashtme, nuk pritet që Parlamenti Evropian

i sapozgjedhur të ndryshojë shumë.

Mbështetja për Ukrainën dhe zgjerimi i mëtejshëm i BE-së do të jenë ende qëndrimet e shumicës. Ndërkohë që mund të ketë eurodeputetë që mbajnë pozicione pro-Kremlinit, ata kanë më shumë gjasa ta përdorin dhomën si një platformë për t'i përsëritur këto qëndrime në vend se të bëjnë punë të rëndësishme legjislative.

Përveç kësaj, Parlamenti Evropian nuk e dikton politikën e jashtme të BE-së. Ky është domeni ekskluziv i shteteve anëtare të BE-së. Pra, ndërsa eurodeputetët konsiderojnë dhe shkruajnë shumë raporte dhe rezoluta të politikës së jashtme, të gjitha këto janë jodetyruese.

## Çfarë ndodh tani?

Një fitues i kujdesshëm është presidentja e Komisionit Evropian, Ursula von der Leyen. Si kandidatja kryesore për grupin kryesor të EPP-së, ajo tani pritet të marrë edhe pesë vjet të tjera në krye të krahut ekzekutiv të BE-së. Edhe pse ajo ishte triumfuese atë natë, Von der Leyen ka ende nevojë për liderët e 27 vendeve anëtare të BE-së dhe një shumicë të thjeshtë në Parlamentin Evropian për ta siguruar nominimin e saj.

Udhëheqësit e shteteve anëtare do të mblidhen në Bruksel më 17 qershor për të pasur një diskutim fillestar rreth tri posteve kryesore të BE-së: presidenti i Komisionit Evropian, presidenti i Këshillit Evropian dhe shefi i politikës së jashtme të BE-së. Më pas ata do të takohen sërish në Bruksel më 27-28 qershor për t'i finalizuar kandidatët. (Përgatiti: Shkëlqim Hysenaj / REL)

## 10 qershoret janë data interesante për fatet tona



Muhamet MAVRAJ

10 qershoret janë data interesante për fatet tona. Do t'i veçoja Lidhjen e Prizrenit (1878), dëbimin serb nga Kosova me vulë të Këshillit të Sigurimit (1999) dhe ndonjë moment të pasluftës. Është edhe 10 qershori 2014

(Lan, - me vonë bëhet Vlan), që shkon e bëhet frenim serioz i rrjedhës së faktorizimit të Kosovës, në emër të dashurisë së madhe për Kosovën e flamurin e kombit. Është 10 vjetësh me fare pak rezultate, kthim mbrapa dhe izolim gradual ndërkombëtar, deri në sanksione dikur të paimagjinuara për shumëkënd, por një rrjedhojë logjike për analizuesit e saktë.

Nëse vështrojmë nga perspektiva e lartë, sot është 25-vjetori i vendimit për çokupim. Falë veçanërisht aventurave të këtij dhjetëvjetëshi, Kosova është thellë-thellë brenda strategjisë ruso-serbe të

zvarritjeve deri në ngrirje të mosmarrëveshjeve shqiptaro-serbe, - fitore e madhe për ta. Sa më shumë që ikin vitet me tensione, edhe të kurdisura me marifet, koha punon për atë strategji. Krijimi gradual i konflikteve të tjera rrotull nesh dhe më larg, po ashtu ftoh gradualisht emocionet miqësore ndaj Kosovës.

Aktualisht në botë janë 120 konflikte të vogla e të mëdha të armatosura. Viruset përçarëse brenda bashkëkombësve në Luginë dhe në Maqedoni janë zbatim perfid i po asaj strategjie. Në Shqipëri dështoi tërësisht, për fat të mirë.

Në vitin 26 të pasluftës po hyjmë në këso rrethanash.

Nuk jam pesimist, natyrisht, kjo rrjedhë do të marrë fund, por le ta dinë që me ligjërata për detajet e vogla, që marrin gati tërë kohën e vëmendjes, nuk mund të mashtroni këdo sa i përket makro-planit politik dhe gjeopolitik, strategjik dhe gjeostrategjik. E dimë çka nuk duan ta kemi në mendje e në vëmendje.

Ora e tregon kohën e koha i tregon njerëzit. Historia bluan pak më ngadalë por, saktë, për kohën e për njerëzit.

Drejtimi i gabuar i Kosovës është afër rrethrotullimit të parë.

Nëse nuk kthehet aty, mbajini në mend e kujtojeni çdo ditë fatet e ca popujve që sot po kërkojnë çfarë kanë refuzuar dikur duke dëgjuar përrallat sovjetike e sot ruso-iraniane.

Nderime pa kufi për dëshmorët e kombit, të gjithë luftëtarët e lirisë sonë dhe për strategjet legjendarë që po mbahen ende padrejtësisht në Hagë, falë dosjeve serbo-ruse në bashkëpunim me anëtarët e klubit të stani! Poshtërsitë e këtij klubi nuk i lan Deti Adriatik, ndaj kot po orvaten ta fajësojnë njëri-tjetrin për të siguruar disi ndonjë shteg të ri të mbijetimit politik personal.

## Hovenieri për deklaratën e Serbisë dhe Republikës Sërpska: S'është qëndrimi ynë



PRISHTINË, 10 QERSHOR - Ambasadori i Shteteve të Bashkuara të Amerikës në Kosovë, Jeffrey Hovenier, tha se ShBA-ja dhe partnerët e saj perëndimorë nuk pajtohen me Deklaratën e miratuar më 8 qershor nga Serbia dhe entiteti serb i Bosnjë-Hercegovinës, Republika Sërpska.

Në deklaratën e miratuar në Beograd, në një takim mes dy qeverive, përmendet Kosova si "pjesë e patjetërsueshme e Serbisë". "Nuk e kam pasur mundësinë t'i lexoj të gjitha raportet lidhur me 'Kuvendin gjithëserb', por e kuptoj që aty përdoret gjuha që thotë se Kosova është pjesë integrale e

Serbisë. E kuptoj që ky është qëndrimi i tyre, por ky nuk është qëndrimi i asnjërit prej nesh, nuk është i ShBA-së, i partnerëve tanë të Quint-it apo kujtdo tjetër", tha Hovenieri.

Ai theksoi se ShBA-ja e ka njohur Kosovën shtet të pavarur dhe se ShBA-ja do të qëndrojë prapa këtij qëndrimi "me krenari".

Gjatë të ashtuquajturit Kuvend gjithëserb të 8 qershorit u theksua që ai i mbështet përpjekjet e Republikës së Serbisë për ruajtjen e integritetit territorial dhe sovranitetit, të garantuar me ligjin ndërkombëtar, Rezolutën 1244 dhe rezolutat e tjera të Këshillit të Sigurimit të Kombeve të

Bashkuara.

Në deklaratë thuhet, mes të tjerash, se serbët në Kosovë, si dhe të gjithë qytetarët e tjerë që janë besnikë të Serbisë, duhet t'i mbrojnë manastiret, kishat, pronat private, varrezat dhe objektet e tjera të rrezikuara. Nënshkruesit e Deklaratës i dënuan edhe ato që i konsideruan si kushte të patolerueshme të jetesës së serbëve në Kosovë, të krijuara prej autoriteteve të Prishtinës, por pa përmendur ndonjë fakt konkret.

Në një pikë tjetër përmendet edhe nevoja e krijimit të Asociacionit të Komunave me Shumicë Serbe në Kosovë dhe

vazhdimi i dialogut Kosovë - Serbi në Bruksel, si mënyra e vetme e qëndrueshme për zgjidhjen e problemeve.

Hovenieri i bëri komentet e tij gjatë konferencës ndërkombëtare "Rugova dhe Perëndimi", që po mbahet më 10 qershor në Prishtinë, për nder të 25-vjetorit të çlirimit të Kosovës. Në konferencë, ish-kryeministri i Italisë, Massimo D'Alema, i cili kishte udhëhequr Italinë gjatë viteve 1998-2000, tha se Kosovës i nevojitet një marrëveshje me Serbinë. "Kosova duhet të jetë e qëndrueshme në kërkesat për të drejtat e saj, por të mos bjerë në kurthin e nacionalizmit. Mirëpo, të mbetet e hapur ndaj

diskutimit për një marrëveshje", tha ai.

D'Alema ishte kryeministër i Italisë në kohën kur NATO-ja ndërhyri në Kosovë me qëllim të ndaljes së dhunës nga forcat serbe.

Fushata e bombardimeve zgjati 78 ditë dhe përfundoi më 10 qershor 1999 - një ditë pas nënshkrimit të Marrëveshjes së Kumanovës. Me këtë marrëveshje, të negociuar ndërmjet NATO-s dhe zyrtarëve ushtarakë jugosllavë, forcat e atëherëshme jugosllave u tërhoqën nga Kosova dhe u krijua forca paqeruajtëse ndërkombëtare, e udhëhequr nga NATO-ja.

## ShSKUK-ja hap konkurs për specialistë dhe infermierë

PRISHTINË, 10 QERSHOR - Drejtori i Shërbimit Spitalor Klinik dhe Universitar i Kosovës (ShSKUK), Elvir Azizi, ka konfirmuar për "Ekonomia Online" hapjen e konkursit për profesionistët shëndetësorë. Azizi ka thënë se numri në total i tyre do të jetë afër 300, ndërsa 80 prej tyre do të jenë specialistë të profileve të ndryshme. "Janë

300 e diçka profesionistë të llojeve të ndryshme. Në mos gaboj, sepse nuk jam marrë drejtpërdrejt. Janë diku mbi 80 specialistë të profileve të ndryshme. Ka mjaft infermierë, ka pak staf mbështetës i cili patjetër se është dashur për t'u forcuar. Dhe nuk do të jetë konkursi i fundit. Ky është vetëm një fillim. Presim që

ta stabilizojmë situatën me këtë numër të punëtorëve, pastaj të planifikojmë në mënyrë të mirëfilltë që për çdo dalje në pension, paraprakisht të hapet konkursi, të pranohet personi tamam në kohën e pensionimit ose të largimit nga puna të personit tjetër", ka thënë Azizi.



## Kurti: Historia dhe trashëgimia e luftës në Kosovë kanë nevojë për t'u studiuar dhe hulumtuar

Të hënën në Prishtinë është mbajtur konferenca shkencore për 25-vjetorin e ndërhyrjes së NATO-s dhe çlirimit të Kosovës: "Një çerek shekulli shtetndërtim, sfida dhe arritje - qasje multidisiplinare", në të cilin mori pjesë edhe kryeministri Albin Kurti, duke theksuar se si shoqëri dhe si shtet kemi nevojë për diskurse të mirëfillta shkencore dhe për narracione sa më të plota dhe të vërteta historike për luftën tonë

**EPOKA E RE** **Faton DËRMAKU**

PRISHTINË, 10 QERSHOR - Në kuadër të aktiviteteve në shënim të 25-vjetorit të çlirimit të shtetit tonë, kryeministri Albin Kurti mori pjesë në konferencën shkencore për 25-vjetorin e ndërhyrjes së NATO-s dhe çlirimit të Kosovës: "Një çerek shekulli shtetndërtim, sfida dhe arritje - qasje multidisiplinare". "Më vjen mirë që javën gjatë së cilës do ta shënojmë 25-vjetorin e çlirimit të Kosovës, po e nisim pikërisht me një konferencë shkencore dhe pikërisht këtu në Akademinë e Shkencave dhe Arteve të Kosovës. Sepse historia dhe trashëgimia e luftës në Kosovë kanë aq shumë nevojë për t'u studiuar, hulumtuar dhe për t'u shkencëruar. Ne si shoqëri dhe si shtet kemi nevojë për diskurse të mirëfillta shkencore dhe për narracione sa më të plota dhe të vërteta historike për luftën tonë", e filloi kryeministri Kurti fjalën e tij hyrës para të pranishmëve në këtë konferencë.

Ai rikujtoi se si 25 vjet më parë, në mes të muajit qershor të vitit 1999, populli i Kosovës po i përjetonte ditët e fundit të luftës dhe ditët e para të çlirimit. "Më 10 qershor 1999 NATO i dha fund fushatës së bombardimeve mbi Jugosllavi pas 78 ditësh bombardime. Në Nju-Jork, Këshilli i Sigurimit i OKB-së e miratoi Rezolutën 1244 me të cilën e autorizonte vendosjen e



një force ushtarake dhe civile në Kosovë. Po atë ditë UNHCR-ja njoftonte se gjatë gjithë luftës në Kosovë, 862 979 refugjatë ishin dëbuar jashtë Kosovës dhe se sfida e radhës ishte organizimi i kthimit të tyre", u shpreh kryeministri, derisa theksoi se po nga kjo organizatë atëkohë, më 3 gusht, u njoftuam se 90 % të refugjatëve ishin kthyer në Kosovë në mënyrë spontane dhe të vetorganizuar.

Me kthimin e refugjatëve në Kosovë, bashkë me 120 mijë shtëpi të shkatërruara dhe të

djegura që i gjetën ata, siç tha kryeministri, u shuan edhe shpresat e politikës së shtetit të Serbisë, që plani i saj i gjenocidit përmes operacionit "Patkoi", të kishte të paktën pjesërisht sukses për zbrazjen e Kosovës nga shqiptarët vendas. "Më 11 qershor trupat ushtarake të NATO-s nisën të hyjnë në territorin e Kosovës nga toka dhe nga ajri, duke e vendosur kontrollin e tyre në tërë vendin tonë", u shpreh më tutje kryeministri Kurti, derisa përmendi mbi 10 000 viktimat

civile që kanë humbur jetën në luftën e fundit në Kosovë, mes tyre 1 133 fëmijë dhe mbi 3 000 burra dhe gra të cilët ranë dëshmorë të lirisë. Ai shtoi se në më pak se dy vjet luftë, disa mijëra gra dhe burra u dhunuan dhe torturuan, ndërkaq mbi gjysmë milioni njerëz u zhvendosën si refugjatë brenda Kosovës.

Duke uruar punime të mbara gjatë kësaj konference, kryeministri Kurti tha se tashmë kemi nevojë për shumë studime shkencore dhe botime akademike për gjithë çfarë ka ndodhur gjatë gjithë luftës

në vendin tonë, në mënyrë që diskutimet dhe debatet tona, hulumtimet dhe studimet, shkrimet dhe botimet, të bëhen më akademike, shkencore, konceptuale dhe më teorizuese. Kjo konferencë shkencore u organizua nga Akademia e Shkencave dhe e Arteve të Kosovës. Të pranishëm ishin Mehmet Kraja, kryetar i Akademisë së Shkencave dhe Arteve të Kosovës, Skënder Gjinushi, kryetar i Akademisë së Shkencave të Shqipërisë, ish-presidenti Fatmir Sejdiu dhe akademikë të tjerë.

## Prokuroria Speciale ngre aktakuzë ndaj tetë personave për korrupsion



PRISHTINË, 10 QERSHOR - Prokuroria Speciale e Republikës së Kosovës ka ngrehur aktakuzë kundër tetë të pandehurve për vepra penale që ndërlidhen me korrupsionin. "Prokuroria Speciale e Republikës së Kosovës ka ngritur aktakuzë në Gjykatën Themelore në Prishtinë - Departamentin Special, kundër të pandehurve H.H., L.M., A.J.,

Xh.L., B.P., D.K., G.Sh., dhe V.M., me dyshimin e bazuar mirë se kanë kryer veprën penale Keqpërdorim i pozitës apo autoritetit zyrtar, sanksionuar nga neni 414 par. 2 lidhur me nenin 31 të Kodit nr. 06/L-074 Penal të Republikës së Kosovës (KPRK-së). Ndërkaq i pandehuri H.H. ngarkohet edhe me akuzën për kryerjen e veprës penale

Lidhja e Kontratës së dëmshme, sanksionuar nga neni 285 par. 1 dhe 2 të KPRK-së", theksohet në njoftim. Sipas PSRK-së, prona e cila është objekt i akuzës, bazuar në kërkesën e Prokurorisë, është sekuestruar nga gjykata dhe, në bazë të aktakuzës, PSRK-ja i ka propozuar gjykatës ta konfiskojë atë dhe t'i kthehet sërish pronës publike.

# Clark: Ambicimet ruse pengojnë stabilitetin në mes të Kosovës dhe Serbisë

PRISHTINË, 10 QERSHOR - Gjenerali i pensionuar amerikan Wesley Clark thotë se në mes të Kosovës dhe Serbisë nuk mund të ketë stabilitet derisa "Moska t'i tërheqë ambicimet e saj imperialiste nga rajoni". Clarku ka udhëhequr fushatën ajrore të NATO-s kundër caqeve ushtarake serbe më 1999. Në një intervistë dhënë "Radios Evropa e Lirë" 25 vjet pas përfundimit të sulmeve, ai thotë se "Serbia është si një magnet që i tërheq ambicimet imperialiste ruse në Evropë". "Serbia duhet ta kuptojë se e ardhmja e saj është me Perëndimin. Kur serbët ta kuptojnë këtë, nuk do të ketë probleme me Kosovën", thotë Clark.

*Gjeneral Clark, 25 vjet pas përfundimit të luftës, paqja në mes të Kosovës dhe Serbisë nuk duket premtuese. Pse, sipas jush?*  
**Wesley Clark:** Serbia nuk do paqe dhe Kosova nuk do pavarësi të nënshtruar.

*Cila është rrugëdalja atëherë?*  
**Wesley Clark:** Rrugëdalje është mposhtja e Rusisë në Ukrainë. Rusia ta tërheqë mbështetjen për Serbinë dhe Serbia ta kuptojë se e ardhmja e saj është me Perëndimin. Kur serbët ta kuptojnë këtë, nuk do të ketë probleme me Kosovën.

*Pse Rusia vazhdon të ndërhyjë në rajon?*  
**Wesley Clark:** Rusia ka ambicie imperialiste - të gjithë në Evropën Lindore e dinë këtë. Të gjithë që nuk janë Rusi, Moska i sheh si qenie më të vogla. Serbia është si një magnet që i tërheq ambicimet imperialiste ruse

në Evropë. Sot ajo shërben si agjente infektuese në rajon - në Maqedoninë e Veriut, në Mal të Zi dhe gjetkë.

*Si mund t'i luftojë rajoni, por edhe aleatët perëndimorë këto përpjekje?*

**Wesley Clark:** Ne i kemi vlerat tona në Perëndim. Ne nuk përfshihemi në të njëjtin lloj mashtrimi si Moska, apo në blerjen e njerëzve. Ne kalojmë nëpër procese demokratike. Ne i shohim interesat e njerëzve. Ata e dinë se çfarë përfaqëson Amerika dhe ata zgjedhin të jenë ose të mos jenë me Amerikën.

Për mua nuk ka kuptim që disa parti politike në Evropën Lindore, të cilat kanë vuajtur për 40 vjet ose më shumë nën dominimin sovjetik, duan të bashkohen me Rusinë, në vend se me Bashkimin Evropian. Pse? Çfarë u ofron Rusia atyre përveç parave politikanëve? U ofron një investim të madh? Jo. Teknologji të re? Jo. Pjesëmarrje në një organizatë të madhe që do të avancojnë mirëqenien e popullit? Jo. Asnjë prej tyre. Thjesht, një lojë që luhet pa mëshirë nga ambicia imperialiste ruse.

*A mendoni se ekziston rreziku i një konflikti tjetër në Kosovë?*

**Wesley Clark:** Mendoj se ka rrezik për dhunë. Vite më parë, kemi parë përpjekje për grushtshtet në Mal të Zi. Së voni, kemi parë sherr në kufi mes Serbisë dhe Kosovës, në të cilin [presidenti i Serbisë, Aleksandar] Vuçiq ka mohuar se ka marrë pjesë. Por, dikush në Serbi ka marrë pjesë, sepse lëvizja e forcave ushtarake ka qenë e organizuar dhe e urdhëruar.



Kështu që, kur shihni se si funksionojnë gjërat në këtë pjesë të botës, e kuptoni se ka një dorë të fshehur pas pjesës më të madhe të kësaj. Dhe ajo dorë vjen nga Moska.

*A mendoni se mund të arrihet paqja me leadershipin aktual politik në Serbi?*

**Wesley Clark:** Kjo varet nga ajo që kuptoni me paqe. Aktualisht nuk ka konflikt. Mund të thuhet se është një paqe e ftohtë. Por, derisa Moska t'i tërheqë ambicimet e saj imperialiste nga rajoni, nuk do të keni stabilitet dhe shanse që njerëzit të pajtohen dhe të ecin përpara.

*Kosova, së voni, ka ndërmarrë disa hapa që janë kritikuar nga aleatët perëndimorë - të tillë si ndalimi i përdorimit të dinarit serb. A i ka rrezikuar Kosova marrëdhëniet me Perëndimin,*

*sidomos ShBA-në?*

**Wesley Clark:** Unë mendoj se vendet duhet të bëjnë atë që është në interesin e tyre. Kosova është një vend shumë i vogël dhe i brishtë. Mendoj se të vazhdohet t'i hapet rrugë ekstraterritorialitetit të Serbisë në veri të Ibriut, është jashtëzakonisht e dëmshme për të ardhmen e popullit në Kosovë. Andaj, [udhëheqësit kosovarë] kanë qenë të vendosur dhe e kanë kuptuar këtë. Shikoni, Ukraina nuk mund të bëjë gjithçka që duan amerikanët, sepse interesat e Amerikës janë ndryshe nga interesat e Ukrainës. Është e njëjta gjë në Izrael. Është e njëjta gjë në çdo vend. Çdo vend duhet të ndjekë interesin e tij në fillim, dhe më pas t'i mbledhë aleatët rreth tij.

*Asociacioni i Komunave me Shumicë Serbe është një tjetër pikë*

*e nxehtë. Perëndimi këmbëngul në themelimin e tij, Kosova refuzon. A mendoni se Asociacioni është kërcënim për Kosovën?*

**Wesley Clark:** Unë kurrë nuk përfshihem në politikën e brendshme të vendeve... sepse kur nuk je qytetar, nuk jeton atje, nuk duhet të japësh komente. Ajo që dimë historikisht, është se komunitetet serbe kanë qenë të lidhura me Kishën Ortodokse, e kanë përdorur atë kishë si bastion dhe si pikë qendrore për rebelim, shtypje ose agresion. Unë mendoj se është më mirë për të gjithë në rajon nëse nuk e shtyjme përpara Asociacionin, por në vend të tij punojmë që këto dy qeveri [të Kosovës dhe Serbisë] t'i normalizojnë marrëdhëniet diplomatike. Ka gjithmonë përzjerje të grupeve etnike. Por, mënyra më e mirë për paqe është respektimi i kufijve kombëtarë.

## Personalitete të njohura vlerësojnë kontributin e ish-presidentit Rugova



PRISHTINË, 10 QERSHOR - Lidhja Demokratike e Kosovës ka organizuar të hënën konferencën "Rugova dhe Perëndimi", në të cilën kanë marrë pjesë figura të njohura nga skena politike vendore e ndërkombëtare.

Në këtë konferencë, që është mbajtur për 25-vjetorin e çlirimit të Kosovës, u diskutua për figurën e ish-presidentit të Kosovës, Ibrahim Rugovën.

Ambasadori amerikan në Kosovë, Jeff Hovenier, tha se Kosova është udhëhequr nga një njeri me vizion. Ai tha se është shumë i lumtur që e ka takuar disa herë ish-presidentin Rugovën.

Ish-kryeministri i Italisë, Massimo D'Alema, tha se më shumë se kurrë Ballkanit i duhet fryma e Rugovës. Sipas tij, Rugova thoshte se "Pavarësia e Kosovës do ta stabilizonte rajonin".

Në këtë konferencë ka marrë pjesë edhe kryeministri i Shqipërisë, Edi

Rama, i cili ka thënë se Rugova ishte një intelektual si i nxjerrë nga koleksioni i portreteve të periudhës romantike. "Një politikan si i rrahur me vajin dhe uthullën e odës patriarkale, një figurë që edhe sot është vështirë ta përmbledhësh", tha Rama.

Kryeministri i Shqipërisë shtoi se pa Ibrahim Rugovën nuk do të kishte Ushtri Çlirimtare të Kosovës. "Në përvojën e tij që e krijonte përmes adresimeve të shumta, lind edhe një trashëgimi e vyer për brezat e ardhshëm dhe pikërisht nga këmbëngulja gërryese e përroit që rrodhi urtësisht u bë e mundur edhe hapja e shtratit ku mori jetë Ushtria Çlirimtare e Kosovës dhe sot është e qartë se kurrë pa Ibrahim Rugovën nuk do të kishte pasur UÇK", tha Rama, duke shtuar se pa luftën që ai nisi në paqe, nuk do të ishte arritur kurrë paqja e fituar në luftë.



ISH-KRYEMINISTRI BRITANIK, TONY BLAIR, PO QËNDRON NË PRISHTINË NË 25-VJETORIN E ÇLIRIMIT TË KOSOVËS

## Tony Blair: Vazhdojeni rrugën që Kosova të bëhet pjesë e familjes evropiane

Ish-kryeministri britanik Tony Blair, para deputetëve të Kuvendit, tha se ndihet jashtëzakonisht i lumtur dhe i nderuar që për nder të 25-vjetorit të çlirimit të Kosovës, t'i drejtohet popullit dhe përfaqësuesve të tij nga foltorja e Kuvendit. Duke iu referuar vendosmërisë së popullit të Kosovës për liri dhe pavarësi, Blair u shpreh se intervenimi në Kosovë nuk ishte vetëm për popullin e saj, por për të gjithë ata që besojnë se pa liri dhe demokraci nuk ka paqe dhe stabilitet. Ish-kryeministri britanik ka thënë se duhet vazhduar rruga që Kosova të bëhet pjesë e familjes evropiane

u ndal gjenocidi i Serbisë në Kosovë. Ata aktivizuan NATO-n për ta ndaluar gjenocidin në Kosovë dhe për këtë ne do të jemi përjetësisht falënderues", theksoi ai, duke shtuar se mobilizimi dhe aktivizimi i aleancës më të madhe demokratike të botës, NATO-s, ndali gjenocidin mbi vendin tonë, duke mundësuar kështu lirinë e popullit.

Ish-kryeministri i Britanisë së Madhe, Tony Blair, në adresimin e tij para deputetëve, u shpreh se ndihet jashtëzakonisht i lumtur dhe i nderuar njëkohësisht që sot, për nder të 25-vjetorit të çlirimit të Kosovës, t'i drejtohet popullit dhe përfaqësuesve të tij nga foltorja e Kuvendit.

Ish-kryeministri Blair tha se sot përkujtojmë kontributin dhe sakrificën e të gjithë atyre që për lirinë dhe pavarësinë e vendit

nuk kursyen asgjë. "Nuk mund t'ju falënderoj për mirëpritjen që keni bërë ndaj meje. Në këtë ditë, 25 vjet më parë, u arrit marrëveshja. Kosova më në fund u lirua, njerëzit mund të jetojnë, të shprehin, të besojnë sërish në të ardhmen e lirë nga presioni dhe padrejtësia. Sot kujtojmë ata që vdiqën, që dhanë jetën për çlirimin e këtij kombi. Ne kujtojmë guximin e tyre, sakrificën e tyre dhe shprehim mirënjohjen tonë të përjetshme për ta dhe për familjet e tyre. Takuam refugjatë kosovarë në kampet afër Shkupit, dëgjua rrëfime prekëse. Në fytyrat e tyre kërkohej ndihmë. Ne ndihmuam dhe nuk jam penduar kurrë", ka thënë Blair.

Duke iu referuar vendosmërisë së popullit të Kosovës për liri dhe pavarësi, ish-kryeministri i

Britanisë së Madhe u shpreh se intervenimi në Kosovë nuk ishte vetëm për popullin e saj, por për të gjithë ata që besojnë se pa liri dhe demokraci nuk ka paqe dhe stabilitet. Andaj, theksoi ish-kryeministri Blair, sot duhet vazhduar rruga që Kosova të bëhet pjesë e familjes evropiane. Para seancës solemne, kryetari Glauk Konjufca, shoqëruar nga nënkryetarët e Kuvendit dhe shefi i kabinetit, priti në zyrën e tij ish-kryeministrin britanik Blair, me të cilën biseduan për ngjarjet e vitit 1999, shkëmbyen pikëpamje lidhur me zhvillimet aktuale në Kosovë dhe perspektivën euroatlantike të saj. Në takim kryetari Konjufca falënderoi mikun e madh të Kosovës për mbështetjen e pakursyer të tij dhe të Britanisë së Madhe për Kosovën dhe

**EPOKA E RE****Mal QORRAJ**

**PRISHTINË, 10 QERSHOR** - Udhëhequr nga kryetari Glauk Konjufca, Kuvendi i Republikës së Kosovës ka mbajtur të hënën seancë solemne, në të cilën deputetëve dhe qytetarëve të Kosovës, në një atmosferë festive, iu adresua ish-kryeministri i Britanisë së Madhe, Tony Blair. Para se ta kalonte fjalën tek ish-kryeministri Blair, kryetari Glauk Konjufca tha se "ne jemi të nderuar të kemi sot të pranishëm mikun e Kosovës, njeriun që dha kontribut të jashtëzakonshëm për vite të tëra, në ditët tona më të vështira si popull".

Kreu i Kuvendit shtoi se falë kontributit të tij dhe figurave të tjera të rëndësishme që përfaqësonin botën demokratike

gjatë viteve '98-'99, si dhe falë vendosmërisë së tyre dhe luftës së Ushtrisë Çlirimtare të Kosovës, u ndal gjenocidi i Serbisë në Kosovë. "Falë kontributit të tij, të Clintonit, Clarkut e shumë figurave të tjera, si dhe falë vendosmërisë së tyre dhe luftës së Ushtrisë Çlirimtare të Kosovës,





popullin e saj në rrugën e saj të lirisë, pavarësisë dhe të zhvillimit.

Ish-kryeministri britanik u takua edhe me presidenten Vjosa Osmani dhe kryeministrin Albin Kurti. Presidentja Osmani i ka dhuruar një gur kristali ish-kryeministrit britanik Tony Blair. “Një gur kristali për mikun e madh të Kosovës Tony Blair, për ta vazhduar traditën e presidentit historik dr. Ibrahim Rugova. Faleminderit familjes Rugova për përzgjedhjen dhe dhurimin e gurit!”, ka thënë Osmani, duke shtuar se roli i Blairit më 1999 si kryeministër britanik ishte vendimtar për

Kosovën. “Sikurse atëherë që ishit hero i popullit të Kosovës, lirisë e demokracisë, edhe sot jeni hero i paqes”, ka thënë Osmani në konferencën e përbashkët për medie me Blairin.

E Blair tha se është një moment i emocionit të thellë që të jetë sërish në Prishtinë. “Unë kam besuar se [fushata e NATO-s] ka qenë gjëja e duhur për t’u bërë atëherë, dhe besoj edhe tani se ka qenë gjëja e duhur”, ka thënë Blairi në konferencën për medie bashkë Osmanin.

Në takim me Blairin, kryeministri Kurti e falënderoi Mbretërinë e Bashkuar dhe atë për ndihmën

dhe kontributin për çlirimin e Kosovës, rolin e tij të rëndësishëm dhe mbështetjen e palëkundur gjatë luftës në Kosovë, e cila çoi në çlirimin e vendit nga pushtuesit serb dhe përkrahjen në etapat e shtetndërtimit të vendit tonë.

Kryeministri shtoi se është i nderuar të mirëpresë Tony Blairin sot, ku shtoi se udhëheqja dhe vendosmëria e tij ishin vendimtare në mbledhjen e mbështetjes ndërkombëtare dhe për të siguruar që drejtësia dhe paqja të mbizotërojnë. “Populli i Kosovës do ta kujtojë dhe do të jetë mirënjohës përherë për përkushtimin tuaj për drejtësi dhe paqe”, u shpreh kryeministri.

Së bashku ata kujtuan ngjarjet e rëndësishme që kulmuan me lirinë e Kosovës, duke diskutuar vendimet dhe veprimet kritike të marra gjatë ndërhyrjes së NATO-s në vitin 1999, të cilat ishin kyçe në përfundimin e luftës dhe sigurimin e paqes.

Në takim u bisedua edhe për zhvillimet aktuale, me ç’rast kryeministri e njoftoi me progresin e arritur, duke theksuar se Kosova është demokracia më e përparuar e rajonit dhe me rritjen më të madhe ekonomike.

Kuvendi Komunal i Prishtinës ka shpallur “Qytetar Nderi” ish-kryeministrin Blair.

Me këtë rast, kryetari i Prishtinës,

Përparim Rama, ka thënë se Kosova do ta kujtojë përgjithmonë ndihmën e ish-kryeministrit Blair. Gjithashtu, Rama e ka nderuar Blairin edhe me “Çelësin e Qytetit”. “Roli i Tony Blairit në çlirimin e popullit tonë dhe për lirinë që e gëzojmë ne sot ishte vendimtar. Prandaj, jam tejet i lumtur që sot i dhurova ‘Çelësin e Qytetit’ Toni Blairit, si nderi më i lartë që dhurohet nga institucioni i kryeqytetit”, ka theksuar Rama.

Me këtë rast, kryetari i Prishtinës, Përparim Rama, ka thënë se Kosova do ta kujtojë përgjithmonë ndihmën e ish-kryeministrit Blair.



## KDI-ja: Reforma në drejtësi, me kritika dhe kontestime, pak rezultate nga 40 iniciativat ligjore

PRISHTINË, 10 QERSHOR - Instituti Demokratik i Kosovës (KDI), përmes një tryeze diskutimi me temën “Progresi i reformës në drejtësi”, ka publikuar raportin analitik “Reforma në drejtësi: Arritjet, sfidat dhe rruga përpara”.

Në këtë tryezë është thënë se qeveria Kurti për këto tri vjet qeverisje ka iniciuar rreth 40 iniciativa ligjore në kuadër të reformave në drejtësi, por që rezultatet kanë qenë të pakta. Drejtori ekzekutiv i Institutit Demokratik të Kosovës (KDI), Ismet Kryeziu, ka thënë se procesi i reformave në drejtësi gjatë qeverisjes së Albin Kurtit është përcjellë me shumë kontestime dhe kritika. “Ky

proces nuk është përcjellë qetësisht, ka pasur shumë kontestime, ka papasur shumë kritika edhe në Gjykatën Kushtetuese të cilat kanë atakuar qoftë kushtetutshmërinë apo kanë pasur edhe tendenca të tjera. Sidomos opozita ka qenë shumë e zëshme, duke përfshirë edhe shoqërinë civile”, ka thënë ai.

Ndërsa ambasadorja e Mbretërisë së Holandës në Kosovë, Carin Lobbezoo, ka thënë se për fuqizimin e sundimit të ligjit në Kosovë, fillimisht duhen njohur sfidat. “Jemi të zotuar për fuqizimin e sundimit të ligjit në Kosovë, në reformën e përgjithshme të drejtësisë. Siç e dini, drejtësia



është një përpjekje njerëzore dhe është ideale që formëson institucionet, ligjet dhe ndërgjegjësimin kundër-korrupsionit. Mbetet sfiduese,

ndërsa po e trajtojmë reformën në drejtësi duhet t’i njohim sfidat, faktorët për të shpjerë në një drejtësi më të barabartë”, ka thënë ajo.

Në anën tjetër, Violeta Haxholli, menaxhere e projektit në Institutin Demokratik të Kosovës (KDI), e cila ka prezantuar analizën: “Reforma në drejtësi: arritjet, sfidat dhe rruga përpara”, ka thënë se kjo qeveri për tri vjet ka sjellë rreth 40 iniciativa ligjore në kuadër të reformave në drejtësi, por që ka pasur pak rezultate.

Ajo ka thënë se tri propozimet kryesore që kishin kjo qeveri: procesi i ri i vetingjit në sistemin e drejtësisë, krijimi i një byroje shtetërore për verifikimin dhe konfiskimin e pasurisë së pajustifikueshme dhe reforma në Këshillin Prokurorial, mbeten qëllimet kryesore të paraleluara.

## Mbahet punëtorja rajonale e FMN-së, shkëmbehen njohuri dhe përvoja në avancimin drejt SDDS-së

EPOKA  
ERE **Faton DËRMAKU**

PRISHTINË, 10 QERSHOR - Guvernatori i Bankës Qendrore të Kosovës (BQK), Ahmet Ismaili, mbajti fjalën hyrëse në Punëtorinë Rajonale të Fondit Monetar Ndërkombëtar (FMN) mbi Standardin e Veçantë të Pasqyrimit të të Dhënave (SDDS), që shënon një moment historik të rëndësishëm në rrugëtimin e Republikës së Kosovës drejt përmirësimit të praktikave të raportimit dhe pasqyrimit të të dhënave. Kjo ngjarje, që zgjat pesë ditë, mbledh përfaqësues nga Kosova, Mali i Zi, Shqipëria, Sllovenia, së bashku me ekspertë të FMN-së, për të shkëmbyer njohuri dhe përvoja në avancimin drejt SDDS.

Organizuar nga FMN-ja, në bashkëpunim me BQK-në dhe me mbështetjen financiare të Qeverisë së Japonisë, kjo punëtori nënvizon angazhimin e përbashkët të BQK-së për përmirësimin e praktikave të raportimit dhe pasqyrimit të të dhënave.

Guvernatori Ismaili, i shoqëruar

nga Keisuke Yamanaka, i Ngarkuar me Punë i Ambasadës së Japonisë në Republikën e Kosovës dhe Jesus Gonzalez-Garcia, ekspert i FMN-së, theksoi rëndësinë e kalimit nga Sistemi i Përgjithshëm për Pasqyrim të të Dhënave (GDDS) në SDDS, një sistem më i avancuar në përputhje me praktikën më të mira ndërkombëtare. Ky avancim përputhet ngushtë me Planin Strategjik dhe objektivat për përmirësimin e proceseve dhe praktikave të brendshme të BQK-së.

Kjo ngjarje e ngritjes së njohurive dhe shkëmbimit të përvojave, e cila është duke u mbajtur në Prishtinë, u ofron pjesëmarrësve nga vende të ndryshme një mundësi të veçantë për t'i identifikuar dhe vlerësuar boshllëqet ekzistuese në të dhëna dhe për të ndërtuar plane pune që synojnë avancimin e standardeve të pasqyrimit të të dhënave.

Objektivi i kësaj punëtorie transformuese kontribuon në një transparencë dhe efikasitet më të madh në raportimin e të dhënave për shumë institucione të rajonit



tonë. Duke shprehur mirënjohjen dhe mbështetjen e palëkundur ndaj FMN-së, guvernatori Ismaili nënvizoi rëndësinë e bashkëpunimit me institucione si FMN-ja, të cilat janë të rëndësishme në mbështetjen e këtyre reformave thelbësore.

Gjithashtu, guvernatori Ismaili falënderoi Qeverinë e Japonisë

për mbështetjen e paçmueshme, e cila kontribuon dukshëm në angazhimet e BQK-së, si dhe të institucioneve të tjera rajonale, në raportimin e të dhënave përmes këtij projekti.

Në fund, guvernatori i BQK-së theksoi edhe rëndësinë e koordinimit ndërinstitucional, përfshirë Agjencinë e Statistikave

të Kosovës, duke theksuar domosdoshmërinë e shkëmbimit të njohurive dhe bashkëpunimit të ngushtë, ndërsa rikonfirmoi përkushtimin e BQK-së për ta nxitur transparencën sa më të madhe të të dhënave dhe publikimeve me objektivin për mbështetjen e stabilitetit financiar të Republikës së Kosovës.

## Rënia e prodhimit dhe eksportit, Krasniqi: Qeveria me urgjencë t'i shqyrtojë politikën fiskale dhe stimuluese



PRISHTINË, 10 QERSHOR - Kryetari i Dhomës së Tregtisë e Industrisë, Skënder Krasniqi, ka kërkuar nga Qeveria e Kosovës që me urgjencë të bëjë ndryshime të thella në politikën fiskale, sidomos në sektorin e prodhimit dhe tregtisë, për ta nxitur rritjen e prodhimit vendor dhe eksportit.

Në një intervistë për "KosovaPress", Krasniqi thotë se mungon bashkëpunimi i qeverisë me bizneset, gjersa shton se mungesa e ndryshimeve fiskale ka penguar rritjen ekonomike të vendit, ndërsa vendet e tjera kanë ndërmarrë masa të rëndësishme për ta stimuluar ekonominë e tyre në këtë periudhë të vështirë globale.

Ai vuri në dukje se ndërhyrjet e shteteve për ta mbështetur

ekonomitë e tyre dhe qytetarët kanë rezultuar me më pak humbje për bizneset dhe përbalimin më të lehtë të situatës nga ana e qytetarëve, një situatë kjo që nuk po ndodh në Kosovë. Në këtë drejtim, Krasniqi ka thënë se shteti duhet t'u dalë në ndihmë familjeve në mënyrë që të tejkalojnë më lehtë edhe rritjen e çmimeve, po ashtu edhe të krijojë oferta reale për investimet e huaja, po ashtu edhe për turistët. "Ne si Dhomë e Tregtisë dhe Industrisë jemi duke kërkuar nga Qeveria e Kosovës që të ketë ndryshime rrënjësore të politikave fiskale, sidomos në aspektin e prodhimit, qoftë në bujqësi, tregti, në mënyrë që të kemi rritje të prodhimit vendor dhe të eksportit", ka thënë Krasniqi.

## Euroja dobësohet pas rezultatit të zgjedhjeve evropiane

Prishtinë, 10 qershor - Zgjedhjet për Parlamentin Evropian u pasuan me dobësimin e euros kundrejt dollarit amerikan. Mëngjesin e së hënës një euro ishte më pak se 1.08 dollar, ndërsa gjatë pjesës më të madhe të javës së kaluar ishte afër 1.09 dollar.

Analistët thonë se lëvizjet nuk duken të mëdha, por pasqyrojnë mënyrën se si ndihen njerëzit në tregjet ekonomike. "Rezultatet e zgjedhjeve në BE treguan

rritje të mbështetjes për partitë e kraut të djathtë - gjë që edhe pritej - por elementi surprizë është se [presidenti i Francës, Emmanuel] Macron reagoi duke thirrur zgjedhje të parakohshme. Kjo gjë e bën tregun më nervoz", tha për agjencinë Reuters Lee Hardman, analist i monedhës në kompaninë e shërbimeve financiare, MUFG.

Lëvizje të ngjashme u panë edhe në bursa, pasi aksionet e mëdha në të gjitha tregjet

kryesore evropiane shënuan rënie.

Zgjedhjet për Parlamentin Evropian u mbajtën nga data 6 deri më 9 qershor.

Partitë e ekstremit të djathtë shënuan rritje në disa shtete të Evropës, përfshirë Francën dhe Gjermaninë.

Në Francë, presidenti Emmanuel Macron shpalli zgjedhjet e parakohshme, pasi partia e tij pësoi humbje të madhe kundrejt partisë së ekstremit të djathtë, Fronti Kombëtar.





# Qytetar apo Homo Cellularis?

Nga: **Gëzim TUSHI**

Është padyshim e vërtetë që në kohën e sotme përdorimi celularëve në Shqipëri ka marrë përmasa të gjëra dhe ai nuk është vetëm “mjet folës”, por ka funksione të shumta e polivalente. Të gjithë e përdorim atë si agjendë takimesh, makinë shkrimi, kompjuter i vogël, mjet leximi etj. Celularët po bëhen një nga mjetet toksike që po favorizon së tepërmi bulizmin dhe konfliktet virtuale. Kur flasim për celularin dhe integrimin e tij intensiv në jetën personale dhe sociale të njeriut, duhet të jemi të kujdesshëm, të ekuilibruar duke u garantuar nga rreziku i vlerësimeve të njëanshme.

Sepse, praktikisht jetojmë në kohën digjitale kur celulari është bërë gjëja më intime dhe personale që zotëron njeriu. Madje sot përhapja e gjerë e përdorimit të celularëve, ka krijuar një realitet të ri, të panjohur më parë, sepse celulari është bërë “plotësues natyror i fizikut të njeriut, zgjatimi i veshit, syrit dhe bashkë me internetin po ndryshojnë aftësinë tonë për të bërë një bisedë të vërtetë apo për të pasur një marrëdhënie të sinqertë me njëri-tjetrin. Është krijuar një iluzion social në përmasa alarmante, sikur celulari është mjeti adekuat që e ndihmon njeriut të shmangët nga vetmia. Padyshim kjo ka një pjesë të së vërtetës, por nuk është krejt e vërteta, sepse edhe pse celulari është mjet i komunikimit të personalizuar, nuk është i aftë të zëvendësojë nevojat e njeriut për komunikim social. Padyshim nuk mund të mohojmë që celularët kanë ndryshuar rrënjësisht mënyrën tonë të jetesës”, ka thënë sociologu Mauricio Feraris në librin e tij Ontologjia e celularit. Madje, sipas tij celularët janë bërë objekte filozofikisht interesant.

Por, a është normale patologjia dhe qëndrimi i paralizuar pranë celularit? Sociologët mendojnë dhe në mënyrë metaforike thonë, se tani jetojmë në një “botë e rrjetëzuar” kaq shumë, sa që ka mundësi që shoqëria në të cilën jetojmë “të çmendët në të njëjtën kohë”. Por, nga ana tjetër, celulari është bërë mjeti, ku të gjithë kanë mundësi të gënjejnë miqtë e tyre. Një mjet individual shumë i fuqishëm, instrument komunikabiliteti social, përdorimi pa kriter i të cilit po sjell situata në zgjerim të patologjive dhe intoksikimit social.

Me të drejtë sociologu britanik Paul Collier, thotë se “Telefonat e zgjuar celularë përbëjnë cepin e skajshëm të individualizmit” – selfit u dërgohen pa përjashtim të gjithë “miqve” me shpresën për të

marrë një numër mbresëlënës “pëlqimesh”. Për pasojë po ndodh një fenomen që sjell zhdukjen e “komunitetit special” dhe këtë njerëzit e kuptojnë kur qëndrojnë në hapësira publike si në kafe, autobusë, lulishte ku jemi të rrethuar nga njerëz që i kemi afër si hapësirë, por që në marrëdhëniet me njëri-tjetrin janë të “padukshëm”. Sepse, njerëzit kemi filluar të mos i shikojmë dhe takojmë më shumë në hapësirat e jetës sociale, por më shumë në ekranet e kompjuterëve dhe celularëve. Një situatë patologjike që po ushqen një lloj egoizmi dhe “narcizimi të ankthshëm”.

Po jetojmë në një situatë të përgjithshme sociale, kur pikërisht ky “mjet i vogël” sikurse është telefoni celular, ka rimodeluar me rrënjë sjelljet dhe gjestet e individëve”, madje i ka bërë edhe më abstrakte marrëdhëniet midis njerëzve. Por, kjo shoqërohet me iluzionin se celulari është mjet që na ka bërë më të lirë dhe ka ndikuar në përmirësimin e cilësisë së jetës dhe komunikimit social. Në një farë mase kjo është e vërtetë. Por, problem i raporteve të vartësisë nga celulari dhe ndikimet e tij mbi “lirinë” individuale dhe “lumturinë” sociale është i diskutueshëm. Filozofi i shquar italian, Giorgio Agamben, ka një vështrim sintetik për këtë problem. Ai mendon me të drejtë se “Ai që e lë veten të kapet nga dispozitivi “telefon celular”, cilido qoftë intensiteti dëshirës që e ka shtyrë, nuk përfton, kësodore, kurrfarë subjektiviteti të ri, por vetëm një numër serie, për të qenë eventualisht nën kontroll”. (Giorgio Agamben, Çfarë quajmë dispozitiv? fq. 43) Ndërkaq, është vërtetuar dhe studimet e fundit të bëra nga ekspertët e lumturisë, tregojnë se lumturinë e dëmtojnë celularët dhe laptopët po aq sa dhe largësia e punës nga shtëpia. Të gjitha këto sjellin stres te njeriu.

Po çfarë duhet bërë? Ajo çfarë duhet të bëjmë dhe që e kemi në dorën tonë, është të ndikojmë që të përmirësohen, madje të ndryshojnë lidhjet dhe marrëdhëniet e njerëzve tanë, sidomos e fëmijëve dhe të rinjve me teknologjinë, celularët, internetin, rrjetet sociale. Të gjithë studiuesit psikologë, sociologë, mjekë kanë një përgjigje, që ka si rrugë përpjekjen për limitimin e përdorimit të rrjetëve sociale, duke forcuar lidhjet reale apo edhe shëtitjet në natyrë. Ekoterapia apo lidhja më e fortë me natyrën, është “terapia” më e mirë për të shpëtuar nga vartësitë patologjike që sjellin rrjetet sociale.

Nuk është fjala që t'i sulmojmë mjetet teknologjike të komunikimit modern, por qëllimi është të mësojmë që ato t'i përdorim në mënyrë inteligjente, të moderuar. Sociologët



mendojnë se ana e mirë e komunikimit digjital dhe lidhja në rrjetet sociale, përbën një faktor social imponues, një lloj kulture që kërkon korrektesë, sepse ndryshe njeriu mund të përballet me një lloj “turpërimi publik”, që realizohet menjëherë nëpërmjet informimit dashakeq e bulizues në rrjetet sociale. Sociologët e komunikimit janë të kujdesshëm në konkluzionet dhe rekomandimet e tyre. “Megjithëse më se një herë mendja më ka shkuar nën ëndërrime se si mund të shkatërrohen apo çaktivizohen këta celularë dhe se si mund të zhduken ose të paktën të ndëshkohen e të burgosen përdoruesit e tyre, nuk mendoj se është kjo zgjidhja e duhur e problemit”. (Giorgio Agamben, Çfarë quajmë dispozitiv? fq. 33-34) Tanimë komunikimet midis njerëzve, konstatojnë sociologët e postmodernitetit kanë marrë formën e një lloj “dialogu mes të verbërish”. Me gjithë këto konstatime dhe kontroversalitete të përdorimit individual dhe shpërdorimit social, ne ndodhemi përballë një realiteti kokëfortë e të padyshimtë, kur edhe në shoqërinë shqiptare, me një shpejtësi përhapjeje dhe intensitet marramendës përdorimi, telefonat celularë janë bërë pjesë integrale e jetës së fëmijëve dhe adoleshentëve tanë. Ata janë pjesa sociale më shumë e lidhur me celularët, por në të njëjtën kohë, janë shtresa që po pëson nga kjo epidemi masive e lidhjeve interpersonale e sociale elektronike.

Efektet e celularit dhe përdorimi patologjik është bërë dominant në përcaktimin e modaliteteve të sjelljes dhe komunikimit tek fëmijët, adoleshentët, të rinjtë. Krahas gjërave pozitive, përdorimi i celularëve nga ky “grup social” ka sjellë një “përçartje të madhe sociale”. Për të gjithë është i pranishëm efekti përdorimit intensiv të celularit, i cili po sjell izolimin e fëmijëve dhe adoleshentëve, reduktimin e lidhjeve sociale interpersonale fizike apo dobësimin e vitalitetit të marrëdhënieve shoqërore të vendosura me modulin “ballë për ballë”.

komponentët materialë të llojeve të celularëve që përdorin të rinjtë. Celularët, marka dhe performanca e tyre sipas estetikës sipas modës, është shpesh herë objekt konflikti midis prindërve dhe fëmijëve. Sidomos me adoleshentët, të cilët përveç nevojave moshore specifike për komunikim, kanë dëshira për cilësinë dhe markën e celularit, si mjet për preferencë personale dhe kompeticion social moshor. Për fat të keq edhe instrumente të tilla si celulari, kanë filluar të shërbejnë si matës të nivelit të jetës së familjes, si objekt që dëshmon stratifikimin social të familjes. Celulari si instrument teknik është bërë “tregues i koduar” që dëshmon statusin social të familjes së fëmijës, adoleshentit, të riut.

Në këtë kontekst, është dukshëm që fëmijët janë bërë viktime të shoqërisë së konsumit dhe celulari paradoksalisht është kthyer në “ciklin e modës” tek të rinjtë. Njëherësh edhe mjet presioni që diktohet nga nevoja për të qenë dhe ecur paralelisht me modën e kohës. Është rritur pesha obseduese e tendencës sociale te fëmijët dhe adoleshentët, të cilët celularët po i përdorin si mjet komunikimi, por dhe instrument të argëtimit virtual. Aq shumë janë të lidhur fëmijët dhe adoleshentët virtualisht me “njëri-tjetrin”, sa që më duket e saktë teza e Umberto Ecos, i cili shtron alternativën se në kohën e sotme nuk është e qartë cila është paradigma rinore: jetojmë për celularin apo me celular? Padyshim mënyra e gabuar e përdorimit të celularit është shoqëruar me shtimin e rreziqeve, sikurse janë ngacmimet seksuale, bulizmi elektronik, thashethemet, përgojimet, kërcënimet erotike etj.

Vlerat dhe antivlerat, utilitetet dhe patologjitë e ndikimit të celularëve mbi fëmijët dhe adoleshentët, janë me ndikime antinomike. Pozitive në shumë aspekte, por dhe negative në shumë drejtime të tjera. Nuk mund të mohohet vlera e celularit si mjet komunikimi midis fëmijës dhe prindit apo përdorimin e tij në disa raste për informacion të shpejtë dhe si “kompjuter xhepi”. Por, nga ana tjetër ka raste të shumta kur

fëmijët e përdorin celularin si mjet mashtrimi, fjala vjen për të kopjuar në provime apo si mjet për të plotësuar kënaqësinë e deformuar të “fotomanisë compulsive”, që ka marrë formën ekstreme të “drogimit elektronik”. Prandaj, duhet kujdes me fëmijët dhe adoleshentët. Kujdes që nuk është kurrë i tepërt.

Por, jo vetëm kaq. Idolatrizimi i celularit në jetën e fëmijëve, mbivlerësimi i epërsive dhe anës së “ndritur” të tij, po shoqërohet me një “ideologji rruge”, e cila në emër të informacionit të digjitalizuar, të shpejtë e situativ, po krijon idenë e gabuar të spostimit të librit dhe kohës së tij. Unë besoj se është koha kur duhet bërë diçka për të ndaluar epideminë në zgjerim të nënvlerësimit të librit nga adoleshentët dhe të rinjtë. Pa mohuar vlerën e informacionit digjital, të cilin të rinjtë e marrin me “shpejtësinë e dritës” përmes internetit celularëve apo kompjuterëve, libri ka epërsitë e tij edhe pse nuk ka “çelës, bateri, rrymë elektrike”. Por, është objekt kompakt që mund të përdoret kudo, kurdoherë dhe sa herë të duhet. Psikologët mendojnë, se faqet e librit kanë epërsi mbi informacionin e lexuar përmes internetit.

Kundërshtarët e librit dhe simpatizantët patologjikë të epërsisë së vetme dhe të pakonkurrueshme të informacionit kibernetik, janë ata që nxitin debate konfuze dhe me konkluzione të shterpëzuara, që thonë se është fare e kollajtë që të zëvendësohen librat me materiale të marra nga interneti. Dhe dinakëria e kësaj teze lidhet me disa gjykime utilitare, merkantiliste se kjo mënyrë, ky zëvendësim i librave me kompjuterët dhe celularët, do të sjellë “lehtësimin e çantave të shkollës dhe do të ulë kostot e blerjes së librave”. Është e vërtetë që interneti ka potencial dhe mund të japë informacione pa fund për shumë gjëra e fusha të dijes, por nga ana tjetër mungesa e filtrave që mund të ndihmojnë fëmijët dhe të rinjtë në përzgjedhjen e informacionit, sjellin në shumë raste pështjellime tek ata.

Ky është një nga gabimet ontologjike që po dëmton dijen, formimin e të rinjve dhe shkollën si institucion specifik i kulturës dhe formimit qytetar. Interneti nuk është mjeti, që, meqenëse ekziston, duhet të sjellë epokën e zëvendësimit të librave. Ai ka vlerë dhe është i domosdoshëm si “mjet plotësues”, madje duhet të shërbejë si nxitës për të rinjtë, si motiv shtesë për të lexuar më shumë libra. Unë jam i sigurt që ideja e përhapur se kjo epokë do shënojë fundin e librit, është një “legjendë urbane” që do të kalojë.

**EURO GLASS**  
SAINT-GOBAIN SEKURIT  
PILKINGTON  
Enveri  
Adr: Fushë Kosovë  
Mob: 044 10 20 10 / 049 145 336  
E-mail: euro.glass@live.com

# Sport



Veton ZYMBERI, redaktor i sportit

## Hysaj optimist: Mund ta kalojmë grupin në 'Euro 2024'

**KAMEN, 10 QERSHOR** - Kombëtarja shqiptare mbylli me sukses fazën përgatitore në Austri dhe tani kuqezinjët janë vendosur në Kaiserau në Kamen ku do të qëndrojnë dhe përgatiten në kuadër të finaleve të Evropianit "Gjermani 2024", më konkretisht për sfidat ndaj Italisë, më 15 qershor, Kroacisë, më 19 qershor

dhe Spanjës, më 24 qershor. Nga kampi bazë në "SportCentrum Kaiserau" anëtori i mbrojtjes së Kombëtares kuqezi, Elseid Hysaj, zhvilloi këtë të martë një konferencë për shtyp, ku bëri edhe një koment për formën e keqe që po kalon Italia, gjë të cilën e tregoi edhe në miqësoret e qershorit, ndërsa më tej u

shpreh se së bashku me shokët e skuadrës duhet ta bëjnë maksimumin për ta kaluar grupin. "Italia duket nga jashtë si një skuadër që është në vështirësi dhe i mungon, por nuk është ashtu siç duket dhe këtë gjë e pamë edhe në Evropianin e kaluar, ku fitoi gjithçka. Nuk duhet të harrojmë se Italia ka

emra të mëdhenj në kombëtare dhe falë eksperiencës që kam në Itali ia di kualitetin. Në 2016-n ishim një tjetër skuadër, nuk mund t'i krahasosh. Tani është hera e dytë për mua Berishën e Abrashin dhe e dimë që mund të bëjmë më tepër se në edicionin e shkuar. Nëse humbim me Italinë është një problem. Mund ta



kalojmë grupin dhe duhet ta provojmë me patjetër për ta bërë diçka të tillë", ka deklaruar Hysaj.

## 12 futbollistë largohen nga Prishtina

FC Prishtina në edicionin 2024/2025 pritet të ketë fytyrë tjetër sa i përket ekipit. Deri tash ka pasur ndryshime në shtabin teknik. Në vend të Emmanuel Egbo ka ardhur Jean-Michel Cavalli, kurse dymbëdhjetë futbollistë kanë konfirmuar largimin nga klubi kryeqytetas

**EPOKA E RE** Veton ZYMBERI

**PRISHTINË, 10 QERSHOR** - Një revolucion i madh po ndodh në skuadrën e Prishtinës. Pas largimit të trajnerit Emmanuel Egbo dhe ardhjes së trajnerit të ri Jean-Michel Cavalli, nga kjo skuadër të hënën e kanë konfirmuar largimin shumë futbollistë që ishin bartës të lojës në edicionin e fundit. Futbollisti Muhamed Useini ka konfirmuar largimin pas dy vjetësh në klubin kryeqytetas. "Faleminderit FC Prishtina për dy vite të mrekullueshme, për momentet e mira dhe ato më pak jo të mira! Faleminderit presidentit,

drejtorëve, stafit, trajnerëve me të cilët kam punuar, bashkëlojtarëve dhe tifozëve 'Plisat' për gjithë mbështetjen e madhe të dhënë. Nga zemra ju uroj shumë suksese në kampionatet në vazhdim", ka thënë Useini. Pas dy vjetësh nga skuadra "bardhekaltër" është larguar edhe mesfushori luftarak, Kushtrim Gashi: "Faleminderit Prishtinë! Nga sot rrugët tona ndahen. Dëshiroj ta falënderoj stafin e trajnerëve, bashkëlojtarët që pata mundësinë të punoj për dy vjet me ta, po ashtu respekt të veçantë për tifozët më të zjarrtë shqiptarë - 'Plisat'". Me pak rreshta në profilin e vet në "Facebook", për largimin



njoftoi Hasan Hyseni: "Nga sot nuk do të jem pjesë e FC Prishtina. Falënderoj kryesinë, trajnerët dhe të gjithë bashkëlojtarët për kohën që kaluam së bashku. Ishte kënaqësi". I katërti futbollist që konfirmoi largimin nga skuadra e Prishtinës është mbrojtësi me përvojë të madhe Egzon Sinani. "Tani edhe

shumë pak kohë përfundon misioni me ekipin e kryeqytetit - Prishtinën. Faleminderit të gjithë atyre që më kanë mbështetur në çdo ekip! Faleminderit kryesisë dhe të gjithëve atyre që ishin pjesë e klubit! Çdo punë bëhet me sakrificë dhe mund unë do t'ju njoftoj për marrëveshjen e dyanshme edhe pak kohë! Me

respekt për çdo futbolldashës!", ka shkruar Sinani. Largimin e dymbëdhjetë futbollistëve e ka konfirmuar edhe Prishtina në faqen zyrtare. "Njoftojmë që pas skadimit të kontratave nuk kemi vazhduar bashkëpunimin me futbollistët Mërgim Pefqeli, Muhamed Useini, Genc Hamiti, Hasan Hyseni, Kushtrim Gashi, Egzon Sinani dhe Kreshnik Uka si dhe trajnerët Agim Maliqi dhe Ardian Sallahu. Me marrëveshje është ndërprerë bashkëpunimi me Albion Kurtaj, Ermal Veliqi dhe Butrint Bulliqi. FC Prishtina u është mirënjohëse gjatë angazhimit në ekipin tonë. I falënderojmë përzemërsisht dhe u urojmë sukses në vazhdim të karrierës!", thuhet në njoftimin e skuadrës bardhekaltër. FC Prishtina kampionatin e mbylli në vendin e pestë me 49 pikë, kurse arriti deri në finale të Kupës ku hupi pas penalltive nga Ballkani.

## Llapi paraqet Valmir Berishën



**PODUJEVË, 10 QERSHOR** - Valmir Berisha është përforcimi i dytë i Llapit pas paraqitjes së Blend Baftiut. Sulmuesi nga Kosova, i lindur dhe rritur në Suedi, i bashkohet Llapit pas aventurës gjashtëmujore te Liria sezonin e fundit. 28-vjeçari ka bërë karrierë në të kaluarën te Roma dhe Halmstad, derisa shihet si një përforcim me vlera për Llapin. "Llapi komunikon transferimin e sulmuesit të qendrës, Valmir Berisha nga FC Liria, me kontratë për dy-vitet e ardhshme. 28-vjeçari

vjen në klubin tonë me një bagazh të madh e eksperiencë ndërkombëtare dhe do të rrisë edhe më shumë konkurrencën në repartin ofensiv. Fillimi i karrierës së tij në Halmstad dhe pjesëmarrja në klube prestigjioze si Roma, e pjesëmarrja e tij në kombëtaret zinxhirë të Suedisë, janë vetëm disa nga momentet që e bëjnë të dallohet në skenën ndërkombëtare të futbollit. Besojmë se përvoja e Valmir Berishës do t'i shtojë forcat e skuadrës sonë dhe do të kontribuoj në arritjen e objektivave tona në

garat evropiane dhe sezonin e ri të Superligës", thuhet në njoftimin e Llapit. Valmir Berisha ka deklaruar se është kënaqësi të bashkohesh me një skuadër kaq të respektuar dhe të ndjekur në futbollin e Kosovës. "Dua të falënderoj stafin drejtues, drejtorin dhe trajnerin për besimin e tyre. Jam i përkushtuar plotësisht që të jap maksimumin në çdo ndeshje dhe të kontribuoj për suksesin e KF Llapit. Tifozëve u premtoj angazhim maksimal për t'i gëzuar ata me shumë suksese në vazhdim", ka deklaruar Berisha.

## Besa rikthen Sheqerollin

**PEJË, 10 QERSHOR** - Klubi i rithemeluar Besa nga Peja ka njoftuar se me kthimin e saj do të vijë edhe përforcime, siç është ai i lojtarit, ish-kapitenit të dikurshëm të kësaj skuadere, Donart Sheqerolli. FC Besa ish-lojtarin e pret me moton: "Ku është Besa është Sheqa". "Ku o

Besa, o Sheqa! Kemi kënaqësinë t'ju njoftojmë me lojtarin tonë me të ri, Donart Sheqerollin. Shumë nga ju e njihni si lojtar të skuadrave elitare të futbollit tonë si Besa, Liria, Vëllaznimi, Feronikeli dhe plot skuadra të tjera. Ai është fitues i Kupës së Kosovës

me KF Besën. Pas bisedimeve ai besoj në projektin tonë afatgjatë dhe me synime të qarta, Sheqa vjen si krijues i një mesfushë të bukur dhe të fuqishme. Bashkë me Sheqen synimet tona tash janë të qarta. Mirë se vjen në familjen tonë të madhe, Doni", thuhet

në njoftimin nga FC Besa. Vlen të theksohet se ekipi futbollistik Besa, për shkak të problemeve financiare, ka qenë buzë shuarjes por, sipas klubit, tani gjendja është stabile, duke transferuar një numër të madh të lojtarëve cilësorë.



## Bostoni fiton edhe finalen e dytë, i afrohet më shumë titullit

**BOSTON, 10 QERSHOR** - Boston Celtics i afrohet edhe më shumë titullit kampion në NBA, pas fitores 105-98 ndaj Dallas Mavericksit në finalen e dytë "play-off". Skuadra e Bostonit udhëheq 2-0 serinë, duke i shfrytëzuar në maksimum dy takimet e para

të luajtura në fushën e tij. Një ndeshje më e bukur se e para, ku edhe teksanët rivalizuan e dueluan për fitore, por nuk arritën të merrnin atë që kërkonin. Pas një pjese të parë të ekuilibruar (54-51 për vendasit), ekipi i Bostonit shkëputet në pjesën e dytë.

Vendasit krijojnë një epërsi prej 7-10 pikësh, që e ruajnë deri në fund, duke e merituar fitoren. Për vendasit u dalluan Holiday me 26 pikë e 11 rebounde si dhe Browni me 21 pikë, një ekip që mbron mirë e që luan me pak lojtarë. Për Dallasin, Luka Donçiq realizoi

një "triple double", duke realizuar 32 pikë, 11 rebounde e 11 asistime, por që s'mjaftuan për të fituar. Edhe një herë tjetër Irvingu nuk arriti të dalë në lojën e tij, duke e mbyllur me 16 pikë. Tashmë seria e finaleve "play-off" në NBA do të spostohet në



Perëndim, ku në fushën e Dallasit do të luhen dy takimet e radhës.

## Carlos Alcaraz e Iga Swiatek triumfojnë në 'Roland Garros'

**PARIS, 10 QERSHOR** - Ishte një triumf më se i pritshëm. Spanjollli Carlos Alcaraz kreu detyrën në finalen e madhe, të Roland Garros, duke mundur gjermanin Alexander Zverev dhe duke ruajtur kështu ecurinë pozitive në finalen e kompeticioneve të mëdha të tenisit, pas sukseseve të US Open e Wimbledon. "Numri 2" i botës arriti fitoren pas një slide që zgjati plot katër orë e 19 minuta, duke fituar vetëm pas setit të pestë, me rezultatin 3 me 2, me setet që përfunduan, 2-6, 5-7 në favor të gjermanit "numër 4" të botës dhe tre të tjerat, 6-3, 6-1 dhe 6-2, në favor të 21-vjeçarit spanjoll, i cili tashmë siguroi trofeun e tretë madhor në karrierën e tij të re. Pas këtij triumfi, Alcaraz ngjitet në vendin e 2-të, të renditjes së tenisistëve të më mirëve të botës, duke "parakaluar" legjendën e gjallë të këtij sporti, Novak Djoković dhe duke qenë vetëm pas "rivalit" të tij, italianit Jannik Sinner, teksa shpreson që të zbresë këtë të fundit nga fronti, pas turneut të Wimbledonit. Iga Swiatek padyshim nuk ka rivale në tenis të femrave, pavarësisht sfidës së bjelloruses Aryna



Sabalenka, ndërsa konfirmoi statusin si "numri 1" i botës. Suksesi i saj në "Roland Garros" ishte i shkëlqyer dhe forcën e polakes e ndjeu italianja Jasmine Paolini. Në më pak se një orë gjithçka u mbyll me shifrat 2-0 dhe rezultatin e seteve 6-2 e 6-1. Shumë e fortë teknikisht dhe psikologjikisht, Swiatek pati epërsi vendimtare në shërbimet e para dhe të dyta, si dhe shfrytëzoi përvojën e saj të madhe. Një Rafael Nadal po lind në tenis të femrave, pasi polakja 23-vjeçare ka fituar 4 nga 5



edicionet e fundit në fushën qendrore "Philippe-Chatrier". Pritet që triumfet të vazhdojnë edhe për disa vjet. Tashmë Swiatek ka 5 trofe Grand Slam në karrierë dhe, ndonëse është larg legjendave Margaret Court, Serena Williams, Martina Navratilova e Steffi Graf, sërish ka kohë që të afrohet. Me 107 javë në krye të renditjes, ajo do t'i synojë rekordet në të ardhmen. Tashmë pritet ta tregojë veten në Wimbledon ku nuk ka mbërritur kurrë më larg se çerekfinalin.

## Leclerc pas garës në Kanada: Rezultat që të dhemb

**MONACO, 10 QERSHOR** - Nga triumfi në garën e Montekarlos dy javë më parë në një garë katastrofike një ditë më parë në Kanada. Një luhatje kaq dramatike e paraqitjes së "kokëkuqes" nuk ishte parë më parë në Formula 1, që në Montreal nuk mori asnjë pikë, pasi të dy pilotët e saj u tërhoqën nga gara. "Një fundjavë ku thuhet nuk ekzistonim në pistë", ka thënë Leclerc.

Charles Leclerc nuk ishte në asnjë moment kompetitiv, duke komentuar kështu rezultatin: "Kishim një motor të ngadaltë. Ishim gati një sekondë e gjysmë më të



avashtë në pistë se rivalët. Problemi ishte aq i madh sa nuk mund të bënim asgjë. Ky është një rezultat që të dhemb. Ne duhet të punojmë për këtë dhe të përpiqemi të kuptojmë se çfarë shkoi keq. Nuk morëm asnjë

pikë nga kjo garë dhe ky është një turp për një makinë si Ferrari, që vinte nga një fitore dy javë më parë. Sinqerisht, nuk ka shumë për të thënë, problemi i motorit na kushtoi gjithçka", ka deklaruar Leclerc. "Në një moment u përpoqëm të ndryshonim strategji kur e dinim se do të ishte e rrezikshme, por duhej të pranonim diçka sepse me problemet e motorit do të kishim qenë gjithsesi jashtë pikëve. Duhet ta shikojmë problemin e motorit sepse do të jetë i komplikuar për pjesën tjetër të sezonit", ka shtuar monogasku.

### SHKURT

#### Broja: Dua që emri im të mos harrohet kurrë

Sulmuesi Armando Broja është një nga lojtarët më të mirë që ka Kombëtarja e Shqipërisë. Sulmuesi i Shqipërisë, në një intervistë për "Gazetta dello Sport", u shpreh se është krenar që do të luajë për kuqezinjtë. Broja shpreson se do të mund të shndërrohet në ikonë. "Jam shumë krenar kur luaj për Shqipërinë. Mund të bëhem një ikonë e të mos harrohem sa të jetë jeta... Kur karriera ime të ketë perënduar, dua që emri im të mos harrohet kurrë! Këtë e bëj për Shqipërinë dhe babanë", ka thënë Boja.

#### Ancelotti: Nuk do të marrin pjesë në Botërorin e Klubeve

Real Madridi i jep një goditje të fortë FIFA-s dhe projektit më të ri, Botërorit për Klube më 2025, që me formatin e ri do të organizohet një herë në katër vjet dhe do të mbahet në ShBA në periudhën qershor-korrik, me 32 skuadra pjesëmarrëse të ndara në: 4 nga konfederata afrikane, 4 nga konfederata aziatike, 4 nga konfederata amerikano-veriore, 1 nga Oqeania, 6 nga konfederata amerikano-jugore dhe 12 nga ajo Evropiane. Dhe një nga vendi organizator. Real Madridi nuk do të marrë pjesë në këtë turne. Për këtë ishte i qartë dhe i prerë Carlo Ancelotti: "FIFA harron që skuadrat dhe futbollistët nuk do të marrin pjesë në Botërorin e ri për Klube... Një ndeshje e vetme e Realit vlen 20 mln euro, ndërkohë që FIFA dëshiron të na japë këtë shumë për gjithë turneun. Ne do ta refuzojmë ftesën për të marrë pjesë në Botëror. Njësoj si ne do të veprojnë edhe shumë klube të tjera. Nuk do ta pranojnë pjesëmarrjen".

#### Wirtz: Gjermania si Leverkuseni, ia dalim në Evropian

Testet kundër Ukrainës dhe Greqisë e kanë zbehur disi evoluimin e skuadrës së Julian Nagelsman. Pas fitoreve bindëse kundër Francës dhe Holandës u mendua se ata ishin gati për t'u përballur me çdo rival në fushë, por miqësoret e fundit tregojnë se Nagelsman e ka "kantierin" ende në proces për Evropianin. Florian Wirtz ka dashur t'i harrojë këto dy ndeshje dhe u ndal te pikat e forta të Gjermanisë. Ai foli në lidhje me partneritetin përkrash Musialës, sikurse gjeti edhe të përbashkëta e "Pancerave" me Leverkusenin. "Bayer i tregoi botës se çfarë është në gjendje të bëjë, aty ku nuk e identifikojnë individët, por forca e grupit. Ne e mbyllëm Bundesligën dhe Kupën pa asnjë disfatë, pavarësisht se i shkuam humbjes shumë pranë në disa takime. Të njëjtën uri dhe frymë pikas edhe në kombëtare. Ky detaj më motivon se mund të shkojmë shumë lart. Hymë në pjesën e dytë kundër Greqisë me mentalitetin fitues dhe e finalizuam misionin. Kemi besim se mund të bëjmë gjëra të mëdha. Të luash përballë tifozëve do të jetë vërtet speciale", ka thënë lojtari më i shtrenjtë i Bundesligës sipas "transfermarkt" (130 milionë euro).

## Fernandes qëndron në 'Old Trafford'

Është padyshim një pikë kyçe në repartin ofensivë të Manchester Unitedit. Bruno Fernandes ka folur së fundmi

për të ardhmen e tij në "Old Trafford", pas aludimeve të shumta në media, që e lidhnin 29-vjeçarin me një kalim te

Bayern Muncheni ose në elitën e futbollit arab, Saudi Pro League. Megjithatë ka qenë vetë ylli i skuadrës së drejtuar nga

tekniku Erik ten Hag, i cili ka vendosur "pikat mbi I", sa i takon karrierës së tij, teksa për mediet deklaroi se dëshiron të

vazhdojë të jetë pjesë e skuadrës në projektet e reja deri në momentin kur klubi të vendosë të kundërtën.



# Gjej PUNË

- Lajme nga tregu i punes
- Shërbime shkrimi

Gjej Punë ofron shërbime drejtë përgaditjes së:

- CV-së
- Letrën Motivuese
- Parapregaditje për intervistë



facebook [www.facebook.com/gjejpuneshpejte](http://www.facebook.com/gjejpuneshpejte)

## RESTAURANT


# SWISS TAVERNA

Tel: +377 45 400 156 +386 49 848 553

PRISHTINË



Republika e Kosovës  
Republika Kosovo  
Republic of Kosovo



Zyra Kombëtare e Auditimit  
Nacionalna Kancelarija Revizije  
National Audit Office

### NJOFTIM PËR ANULIM TË KONKURISIT

Zyra Kombëtare e Auditimit njofton se anulohet konkursi i shpallur në dy medie vendore, në faqen zyrtare të internetit dhe në tabelën e shpalljeve të ZKA-së me datën 21.05.2024, për vendin e punës:

**I. Pozita:** Përkthyes – nga gjuha shqipe në gjuhë serbe anasjelltas

**Numri i referencës:** PSA/ZKA/05-05/24

Konkursi anulohet bazuar në Vendimin nr.785 të datës 07.06.2024.

Prishtinë, 11.06.2024

Departamenti për Menaxhimin e Burimeve Njerëzore

### OBAVEŠTENJE O OTKAZIVANJU KONKURSA

Nacionalna kancelarija revizije obaveštava da se otkazuje konkurs objavljen u dva lokalna medija, na zvaničnom sajtu i oglasnoj tabli NKR-a dana 21.05.2024. godine, za radno mesto:

**I. Položaj:** Prevodilac - sa albanskog na srpski i obrnuto;

**Broj reference:** PSA/ZKA/05-05/24

Konkurs se otkazuje na osnovu odluke br. 785 od datuma 07.06.2024.

Priština, 11.06.2024

Departman za upravljanje ljudskim resursima

### >> SHPALLJE TË VOGLA <<

- Shkelqim Memaj shpall të pavlefshme dëftesat, diplomën, certifikatën Q.K. "11 Marsi" Prizren.

- Lirim Krasniqi shpall të pavlefshme dëftesat dhe diplomën Q.K. "11 Marsi" Prizren.

- Kreshnik Vorfaj shpall të pavlefshme dëftesat e kl. I - VIII sh.f.m.u. "Vëllezërit Frashëri" Pllaneje.

- Farjona Hasipi shpall të pavlefshme dëftesat e kl. I - V dhe VI - IX shfmu "Lekë Dukagjini" Prizren.

- Besart Ukaj shpall të pavlefshme dëftesat e kl. I - V dhe VI - IX shfmu "Dëshmorët e Kabashit" Korishe.

- Rrona Krasniqi nga Gjakova shpall të pavlefshme dëftesat e kl 10.11.12 dhe diplomën e certifikatën e testit maturës të Gjmnazit "Hjadar Dushi" Gjakovë.

- Saimir Golaj nga Gjakova shpall të pavlefshme dëftesën e kl. 10të sh.m.t. "Nexhmedin Nixha" Gjakovë.

- Altin Kamberi nga Gjakova shpall të pavlefshme certifikatën e testit maturës të Gjmnazit "Hajdar Dushi" Gjakovë.

- Florije Rama Molliq KK Gjakovë shpall të pavlefshme dëftesën e plotë sh.f.m.u. "Bajram Sadriu" Berjah nga kl. 1-8.

- Qëndresa Gjokaj nga Gjakova shpall të pavlefshme certifikatën e testit të maturës të sh.m.e. "Kadri Kusari" Gjakovë.

- Tahir Asllani Brovin KK Gjakovë shpall të pavlefshme dëftesat e kl. 10.11.12. të Gjmnazit "Hjadar Dushi" Gjakovë.

- Mimoza Paloja nga Gjakova shpall të pavlefshme diplomën dhe dëftesat kl. 10.11.12.13. të sh.m.e. "Kadri Kusari" Gjakovë.

- Lëshoj lokalin më qira. Lokali është i pasitur më të gjitha kushtet përcjellëse. Lokali gjendet në lagjen e Boshnjakëve në Mitrovicë. Për informata më të hollësishme mund të na kontaktoni në këtë numër të telefonit:049-392-275

- Lëshoj banesë me qira në Lagjen Dardania afër "Bill Clintonit", kati tretë, banesa posedon të gjitha kushtet elementare, dy dhoma, kuzhinë e veçanët me pamje nga parku me çmim sipas marrëveshjes tel: 045-891-338 ose 049-616-139

# Lume's Details

## Estetik & Depilim

044 900 978 | 045 681 898

Sallon Depilimi Lume's Details

lumesdetails

Mbrapa Teatrit, 4 Lullat, Rr. Bajram Kelmendi

### >> SHPALLJE TË VOGLA <<

- Shkelqim Memaj shpall të pavlefshme dëftesat, diplomën, certifikatën Q.K. "11 Marsi" Prizren.
- Lirim Krasniqi shpall të pavlefshme dëftesat dhe diplomën Q.K. "11 Marsi" Prizren.
- Kreshnik Vorfaj shpall të pavlefshme dëftesat e kl. I - VIII sh.f.m.u. "Vëllezërit Frashëri" Pllaneje.
- Farjona Hasipi shpall të pavlefshme dëftesat e kl. I - V dhe VI - IX shfmu "Lekë Dukagjini" Prizren.
- Besart Ukaj shpall të pavlefshme dëftesat e kl. I - V dhe VI - IX shfmu "Dëshmorët e Kabashit" Korishe.
- Rrona Krasniqi nga Gjakova shpall të pavlefshme dëftesat e kl 10.11.12 dhe diplomën e certifikatën e testit maturës të Gjmnazit "Hjadar Dushi" Gjakovë.
- Saimir Golaj nga Gjakova shpall të pavlefshme dëftesën e kl. 10të sh.m.t. "Nexhmedin Nixha" Gjakovë.
- Altin Kamberi nga Gjakova shpall të pavlefshme certifikatën e testit maturës të Gjmnazit "Hajdar Dushi" Gjakovë.
- Florije Rama Molliq KK Gjakovë shpall të pavlefshme dëftesën e plotë sh.f.m.u. "Bajram Sadriu" Berjah nga kl. 1-8.
- Qëndresa Gjokaj nga Gjakova shpall të pavlefshme certifikatën e testit të maturës të sh.m.e. "Kadri Kusari" Gjakovë.
- Tahir Asllani Brovin KK Gjakovë shpall të pavlefshme dëftesat e kl. 10.11.12. të Gjmnazit "Hjadar Dushi" Gjakovë.
- Mimoza Paloja nga Gjakova shpall të pavlefshme diplomën dhe dëftesat kl. 10.11.12.13. të sh.m.e. "Kadri Kusari" Gjakovë.
- Lëshoj lokalin më qira. Lokali është i pasitur më të gjitha kushtet përcjellëse. Lokali gjendet në lagjen e Boshnjakëve në Mitrovicë. Për informata më të hollësishme mund të na kontaktoni në këtë numër të telefonit:049-392-275
- Lëshoj banesë me qira në Lagjen Dardania afër "Bill Clintonit", kati tretë, banesa posedon të gjitha kushtet elementare, dy dhoma, kuzhinë e veçanët me pamje nga parku me çmim sipas marrëveshjes tel: 045-891-338 ose 049-616-139



ROYAL CROWN  
**RC**  
cola

## ANNOUNCING THE 2017 QUALITY & SALES AWARDS

### Quality & Sales Award Recipients

[Listed in alphabetical order]

- ★ ARC Refreshments Corporation- Antipolo **Philippines**, Quality
- ★ Embotelladora Central S.A **Paraguay**, Quality
- ★ Fabrica de Bebidas Gaseosas Salvavidas S.A. **Guatemala**, Quality
- ★ Fluidi Sh.p.k. **Kosovo**, Quality
- ★ Indústria e Comércio de Bebidas Funada Ltda **Brazil**, Quality
- ★ Interbrand S.A.L. **Lebanon**, Sales
- ★ Kofola ČeskoSlovensko a.s. **Czech Republic**, Quality
- ★ Obi Zulol C.JSC **Tajikistan**, Quality
- ★ Partex Sales sales Beverages Ltd. **Bangladesh**, Quality
- ★ Soft Drinks Georgia **Georgia**, Sales

**RC**  
cola  
Columbus, Georgia, USA  
Since 1909

**RC**  
cola  
Columbus, Georgia, USA  
0.5L

**MEKA**  
HALAL FOOD

# TRADITË QË NGA 1992

